

Nadae

Quanta strada gheto fato
in gropa a quel museto
portando dentro al grembo
quel fiolo benedeto.
Giusepe se fermava
a batere ogni porta
ma de quea pora tosa
nessuno ghe ne importa.
Qua no ghe xe posto
diseva tutti quanti
provè a'ndar pi vanti là
proprio in fondo ai campi.
Finalmente na capana
al riparo dea frescura
riposaremo qua Maria
la notte a se freda e anca tanto scura.
E dentro a ch'el riparo
tacà el fià del asineo
xe nato a mexanote
el to caro bambineo.
Ghe gera là visin
un grupo de pastori
co i ga sentio criare
i se corsi là anca lori
i ga impisà un fogheto
par farghe un poco de caeore.
Nessuno ghe credeva
che fosse el Salvatore.
E dopo domia ani
noialtri semo qua
davanti a sto puteo
co a so natività.
No domandemo oro
no domandemo doni
ma soeo de diventare
na scianta un po pì boni.

